

19

D E S C R I P T I O
P A R A G V A Y,
sive Provinciæ
R I O D E L A P L A T A,
cum regionibus adjacentibus
T U C U M A N E T S A N T A C R U Z
D E L A S I E R R A.

Provincia
R. de la
Plata.



Provinciæ *Rio de la Plata* nomen suum ab ipso flumine mutata sunt, nullisque adhuc certis definitisque limitibus describuntur, nisi qua parte septentrionale mare spectant. Ad meridiem ab ipsa flu-

minis ripa initium capiunt, altitudine australi grad. 36, & boream versus extensa ea Brasiliæ parte terminantur, quam Tropicus Capricorni transit. Versus occidentem ad provinciam usque *Tucuman* exspatiantur, alibique Peruvix extrema contingunt. Atque hæc quidem regio omnis à soli ubertate ac fecunditate supra modum laudatur. Frumentum, vina, sacchara, larga manu subministrat, omniaque Castellorum in hunc orbem translata semina cum scœnore ingenti reddit. Pascuis quoque luxuriat, in quibus omnis generis armenta aluntur, maxime equi, qui cum primum numero essent triginta septem, equi 30, equæ 7, spatio annorum XL in eum numerum excrevere, ut totam circumquaque regionem impleverint. Triplex habet cervorum genus; alii magnitudine minores vaccas æquant, proceris altisque cornibus, qui in paludibus ac arundinetis latitant: alii hircos majores quantitate referunt, qui in agris vivere amant: alii vero minores adhuc, qui montana colunt. Sues ac cercopithecos valde caudatos hic videas, magnitudine fere humana, etiam vulpes, tigrides, leones, aliaque ferarum genera. Chamæleontem quoque hæc terra alit, ore in aerem vento obversum, nulli noxium animalculum. Et quamquam hæcenus creditum fuerit, auri fodinis hunc tractum destitui, secus tamen nuper compertum, deprehensis non levibus auri ac argenti vestigiis, uti & æris, ferrique ac amethystorum.

Fluvius de
la Plata.

Indis fluvius hic *Paranaguazu* dicitur, etiam *Parana*. Post fluvium Amazonum, nulli totius terrarum orbis flumini magnitudine cedit. Osti-

America.

um ad mare septentrionale austro obvertit altit. grad. 35 & 36, inter promontorium S. Mariæ, quod Boreale est, & *Cabo Blanco*, sive ut alii vocant *Capo de S. Antonio*, quod australe est, intervallo triginta leucarum Hispanicarum. Si altius conscendas, latus est milliaria decem, pluribus passim insulis conspersus, multosque hinc ab oriente, inde ab occidente fluvios receptans, usque ad portum *de los Reyes*: qui lacus est vastæ magnitudinis, (*de los Xarays* vocant) paulo minus trecentis milliariibus ab ostio remotus, quem constituunt augentque flumina ex montibus *Andes* delapsa.

Primus fluvium conscendisse perhibetur *Iohannes Diaz de Solis* anno 1515, & post hunc *Sebastianus Gabotus* Anglus, missus ab Hispalensibus, ut per Fretum Magellanicum Moluccas adiret. Hic postquam ad aliquot leucas flumen ingressus esset, argentum apud Indos reperit, quod bello cum Peruvianis gesto sibi pepererant. Atque hæc de causa fluvio nomen *de la Plata* inditum, qui antea à Iohanne prædicto fluvius *Solis* dictus fuerat. Ad unam eandemque præfecturam referuntur hæc regiones, Proregi Peruvix ob locorum viciniam subditæ. Episcopatum quoque habet, in quo tres sunt Castellorum pagi ac societates. Magna quoque in his est indigenarum frequentia, quibus corpora vasta sunt, & vegeta.

Urbes hæc sunt: Urbs *de Nuestra Señora del Vrbes.*
Assuncion prima colonia, ac provinciæ metropolis in altitud. grad. 25½ posita, quam primus fundavit dux *Iohannes Salazarius*, iussu Gubernatoris *Petri Mendosæ*. Ad hujus latus dextrum prope Tropicum occurrit *Ciudad Real*, quam Indi *Guyaram* vocant, alio quoque nomine *Oliveros* appellatur, 80 ab urbe *Assuncion* leucis, juxta fluvium *Paranam*. Loco sita est fertili & rerum ad victum satis ubere. Ad latus vero Peruviam spectans urbs est *S. Crux de la Sierra*, in quam colonos deduxit *Nuslo de Chaves*, prope fluvium *Paraguay* condita, cives habens Castellanos 400, & 3000. ex Indo ac Castellano parentibus natos, quos *Mestizos* vocant. Sedes est gubernatoris, ministrorum regionum, ec-

S

clesia